



نسخ وادستان

جلد ۱۳۳۶

مجموعه خطی
۱۳۳۶

ادیب فضائل پیرا دیار بکرلی سعید پاشا حضرت تهرینک

جوانی

مصره خرما و نیله ماء تقدیمی قیلندن اولمق اوزرم عرض نادی
معارف منادیلری قلنان آثار عاجزانه لطفنامه عالیریه استحسان وزاده
طبع والای کریمانه لری اولان اشعار آبدار دن برقاچ غزل دخی احسان
بیورلدینندن کمال ابتهاج و مباهات ایله او قودم .
نصل لطفنامه بلاغت آثار ریاض عباراتک نباتات نکاتندن طامالایان
التفات ژاله لرینک هر بریسی زمره قطعه لرینه قونولش اینجو دانه لرینک
الك اعلاسی ،

نصل اشعار آبدار حیاض نکاتک قطرات لطف آیاتنه عکس ایدن
فصاحت لاله لرینک هر ورقنی آب زلاله قارشى طوغمش بهار کونشنگ
ضیاسی خیال ایلدم .

طبیعت علیای بلاغت شعلریله که مائی یاقوته معدن و او معدن اینچدم
مائی بونجوق بولیمه جنى مبرهندر .

او معدن چیقارلش اولان یاقوته بونجوق اطلاق بیورلمسی تنزلدن
خالی و بوندن بویله ده شاهد افتخار چاکرانه مک جواهر توجهات
سینه لرینی و شاخ الصدر ایتک املندن واز کچمک احتمالی اولماغله فرمان
حضرت من له الامر کدر

ماردین متصرفی

۲۳ رجب ۲۹۶

سعید

رومی پاشانک مکتوبنده ملفوف بولنان اون آتی غزلک بریسی
معموره العزیز متصرفی عبدالنافع افندی به نظیره اوله ورق (صاقلر) قافیه سندم
ایدی . مرحوم عبدالنافع افندینک غزلی شودر .

حریم روی یاری طره عنبر فشان صاقلر
سیه پوشیده درکیم بیت معموری نهان صاقلر

خیال لعل یاری چشم ترده عاشقان صاقلر
کنار جوده بلبل برک کلدن آشیان صاقلر
فراق شوق بزم یار ایله خونبار اولور دیدم
بیاله ذوق لعلیله شراب ارغوان صاقلر
توحش کویستر البته کرد پای اغیاره
اوکیم شوق عذار یار ایله آینه دان صاقلر
اوزملدی رشته درکم شوقیل وقال عالمدن
دمادم دل خیال زلف و فکر مومیان صاقلر
دخان یاردن رمز آشنایم او یله کیم (نافع)
وجود اقلیمه ملک عدمدن بر نشان صاقلر

..

رومی پاشا حضر تلیرینک کوندر دکلری

نظیره

وجود سر عشقی کیم که مثل حرزجان صاقلر
خیال عارض جانانی جانندن نهان صاقلر
نظردن آفتاب وجه یاری کیسوان صاقلر
فلک آینه سنده عکسنی افق جهان صاقلر
وصالی ساده رویک، کلینجه خطی قابلمی
زمانه بر زمان ایچنده دیکر بر زمان صاقلر
قولاغک بورسه بیک تیل قیرسه ده نادانه سر ویرمز
فغان نغمه دلسوزی تارنده کمان صاقلر
تحریر ایتمه (رومی) هر مکانده کان سیم وزر
تراب وسنک جوهر داری عالی بر مکان صاقلر

..